


CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
JUN 28 1932

T 17893/3649





三遷志卷三中

哈佛大學哈佛燕京圖書館珍藏印

潘榛編次

同里後學 周希孔參考

曲阜 孔貞教 重訂 裔孫 孟弘譽

孔貞明 孟聞玉 較閱

呂兆祥

海鹽 重修

呂逢時

宗系

帝王之後迭興為度儒裔縣遠而益著譜刻  
孔昭見聞可據是論其詳以資考源述宗系第



按四十五代孫孟寧譜序曰我始祖鄒國公世家略見史記自二代仲子以後或貴顯或潛晦代有人焉至四十四代公齊值皇宋景德初契丹大舉入寇山東騷動乃携妻子避匿東山藏族譜于屋壁而去遂失其處逮元豐六年家人毀壞古屋得爛簡於壁鼠啣蟲蠹之餘詳視辨認歷代族祖名字有存有遺事蹟有全有略姑綴緝遺譜藏於家以示將來據寧之言則譜蓋成於寧也至金大安間四十八代孫鄒令孟潤修之元至元間五十一

代孫北海尹孟祗祖續修之

皇明萬曆中六十大代孫肇昌府通判孟承相復續修之而未竟又宗子孟惟恭博士孟元亦嘗以往代世系刻之石自史公鵠修三遷志載宗系於志中而譜遂多亡失今據舊譜抄稿及石刻參之史傳詩爲核次如左

始祖孟子名軻字子車娶田氏詳具年表不重書

### 宗子世系

二代孟仲子譜云嘗從學丁公孫丑又詩古註云孔子以詩授卜商商爲上之序以授魯人曾申曾



三遷志 卷三  
申授魏人李克李克授晉人孟仲子孟仲子授  
根牟子今詩傳猶時引廿六說焉趙岐以爲孟子  
之從昆弟未深考也

三代孟學

四代孟寓

五代孟舒當漢高祖時事趙王張敖高祖八年趙  
王臣貫高等謀逆高祖疑趙王爲之下詔捕王  
及羣臣反者有詔敢隨王罪三族惟孟舒田叔十  
餘人赭衣白髡鉗爲王家奴隨趙王敖至長安  
貫高事明趙王敖得出廢爲宣平侯乃進言曰

叔等十餘人盡召見與語漢廷臣無能出其右  
者王說盡拜爲郡守諸侯相舒拜雲中太守叔  
爲漢中守十餘年會高后崩諸呂作亂大臣誅  
之立孝文帝孝文帝旣立召田叔問之曰公知  
天下長者乎對曰臣何足以知之上曰公長者  
也豈知叔頓首曰故雲中守孟舒長者也是時  
孟舒坐虜大入塞盜劫雲中尤甚免上曰先帝  
置孟舒雲中十餘年矣虜曾一入孟舒不能堅  
守母故士卒戰死者數百人長者固殺人乎公  
何以言孟舒爲長者也叔叩頭對曰是乃孟舒



所以爲長者也夫貫高等謀反上下明詔趙有  
敢隨張王罪三族然孟舒自髡鉗隨張王赦之  
所在欲以身死之豈自知爲雲中守哉漢與楚  
相距士卒罷敝不忍出言士爭臨城死敵如子  
爲父弟爲兄以故死者數百人孟舒豈故驅戰  
之哉是乃孟舒所以爲長者也於是上曰賢哉  
孟舒復召以爲雲中太守

六代孟之後

七代孟昭博覽經史該貫古今漢爲博士

八代孟但善易道漢武帝時爲太子門大夫

漢書作庶

川

九代孟卿事淮陽太守瑕丘蒯音善爲禮春秋授

后蒼疏廣世所傳后氏禮疏氏春秋皆出卿

漢書

作東海  
蘭陵人

十代孟喜字長卿父卿以禮經多春秋煩雜乃使

喜從田王孫受易好自稱譽得易家候陰陽災

變書詐言師田生且死時枕喜郤獨傳喜諸儒

以此耀之同門梁丘賀疏通證明之曰田生絕

於施讐手中時喜歸東海安得此事又蜀人趙

賓好小數書後爲易飾易文以爲箕子明夷陰



陽氣亡箕子箕子者萬物方菱茲也賓持論巧  
慧易家不能難皆曰非古法也云受孟喜喜爲  
名之後賓死莫能持其說喜因不肯仍以此不  
見信喜舉孝廉爲郎曲臺署長病免爲丞相掾  
博士缺衆人薦喜上聞喜改師法遂不用喜喜  
授同郡白光少子沛翟牧子兄皆爲博士繇是  
有翟孟白之學所著周易章句十卷

十一代孟鑣

十二代孟興仕漢爲尚書與第五倫子大中大夫  
頡善三輔決錄注作廬江人

十三代孟嘗字伯周少修操行仕郡爲戶曹史上  
虞有寡婦至孝養姑如年老壽終夫女弟先懷  
嫌忌乃誣婦厭苦供養加鳩其母列訟縣庭郡  
不加尋察遂結竟其罪嘗先知枉狀備言之於  
太守太守不爲理嘗哀泣外門因謝病去婦竟  
寃死自是郡中連旱二年禱請無所獲太守殷  
干到官訪問其故嘗詣府具陳寡婦寃誣之事  
因曰昔東海孝婦感天致旱于公一言甘澤時  
降互戮訟者以謝寃寃庶幽枉獲伸時雨可期  
干從之卽刑訟女而祭婦墓天應澍雨穀稼以



登嘗後策孝廉舉茂才拜徐令州郡表其能遷  
合浦太守郡不產穀實而海出珠寶與交趾比  
境通商販貨糴糧食先時宰守並多貪穢詭人  
採求不知紀極珠遂漸徙于交趾郡界於是行  
旅不至人物無資貧者死餓于道嘗到官革易  
前弊求民病利曾未踰歲去珠復還百姓皆反  
其弊商貨流通稱爲神明以病自止被徵當還  
吏民攀車請之嘗旣不得進乃載鄉民船夜遁  
去隱處窮澤身自耕傭鄰縣士民慕其德就居  
止者百餘家桓帝時尚書同郡楊喬上書薦嘗

曰臣先後七表言故合浦太守孟嘗而身輕言  
微終不蒙察區區破心徒然而已嘗安仁弘義  
耽樂道德清行出俗能幹絕羣前更守宰移風  
改政去珠復還饑民蒙活且南海多珍財產易  
積掌握之內價盈兼金而嘗單身謝病躬耕壟  
次匿景藏采不揚華藻實羽翮之美用非徒腹  
背之毛也而沈淪草莽好爵莫及廊廟之寶棄  
于溝渠且年歲有訖桑榆行盡而忠貞之節永  
謝聖時臣誠傷心私用流涕夫物以遠至爲珍  
士以稀見爲貴槃木朽株爲萬乘用者左右爲



之容耳王者取士互拔衆之所貴臣以斗筭之  
姿趨日月之側思立微節不敢苟私鄉曲竊感  
禽息亡身進賢嘗竟不見用年七十卒于家

後漢

書曰會稽上虞人其先三世爲郡吏並仗節死難

十四代孟展字君誠

十五代孟馘漢桓帝時爲濟陰太守靈帝中進太  
常熹平六年太尉劉寬免以馘代之光和元年

罷

漢書作河南人

十六代孟敏字叔達家居太原荷甑墮地不顧而  
去郭林宗見而問其意對曰甑已破矣視之何

益林宗以此異之因勸令遊學十年知名三公

俱辟世不屈云

漢書作鍾鹿陽氏人

十七代孟光字孝裕靈帝末爲講部吏獻帝遷都  
長安遂逃入蜀劉焉父子待以客禮博物識古

無書不覽尤銳意三史長於漢家舊典好公羊

春秋而譏呵左氏每與來敏爭此二義光嘗誥

誥謹譁先主在益州拜爲議郎與許慈等並掌

制度後主踐祚爲符節令屯騎校尉長樂少府

遷大司農延熹九年秋大赦光於衆中責大將

軍費禕曰夫赦者偏枯之物非明世所宜有也



選志 卷三  
衰敝窮極必至于不得已然後乃可權而行之  
耳今主上任賢百僚稱職有何旦夕之危倒懸  
之急而數施非常之恩以惠姦宄之惡乎又鷹  
隼始擊而更原宥有罪上犯天時下違人理老  
夫耄朽不達治體竊謂法難以經久豈具瞻之  
高美所望於明德哉禕但顧謝蹶蹶而已光之  
指撻痛癢多如是類故執政重臣心不能悅爵  
位不登每直言無所回避爲代所嫌太常廣漢  
鐔承光祿勲河東裴俊年資皆在光後而登據  
上列處光之右蓋以此也後進文士祕書郎郤

正數從光諮訪光問正太子所習讀并其情性  
好尚正答曰奉親虔恭夙夜匪懈有古世子之  
風接待羣僚舉動出于仁恕光曰如君所道皆  
家戶所有耳吾今所問欲知其權略智調何如  
也正曰世子之道在於承志竭歡旣不得妄有  
施爲且智調藏于胸懷權略應時而發此之有  
無焉可預設也光解正慎勿不爲放談乃曰吾  
好直言無所回避每彈射利病爲世人所譏嫌  
疑省君意亦不甚好吾言然語有次今天下未  
定智意爲先智意雖有自然然不可力彊致也



此儲君讀書寧嘗做吾等竭力博識以待訪如  
博士探策講試以求爵位耶當務其急者正深  
謂光言爲然後光坐事免官年九十餘卒

蜀志作河

南洛陽人

十八代孟康字公休魏黃初中以于郭氏有外屬  
并受九親錫拜遂轉爲散騎侍郎是時散騎皆  
以高才英儒充其選而康獨緣妃嬙雜在其間  
故於時皆共輕之號爲阿九康旣無才敏因在  
冗官博讀書傳後遂有所彈駁其文義雅而切  
要衆人乃更加意景初元年司徒司空竝缺康

上疏曰夫宰相者天下之所瞻效誠互得秉忠  
履正本德杖義之士足爲海內所師表者竊見  
司隸較尉崔林稟自然之正性體高雅之弘量  
論其所長以比古人忠直不回則史魚之儔清  
儉守約則季文之匹也牧守州郡所在而治及  
爲外司萬里肅齊誠台輔之妙器袞職之良才  
也二年遂以林爲司空封安陽亭侯三公封侯  
自林始也正始中出爲弘農太守領典農較尉  
康到官清已奉職嘉善而矜不能省息獄訟緣  
民所欲因而利之郡領吏二百餘人涉春遣休



常四分遣一事無宿諾時出案行皆豫勅督郵  
平水不得令屬官遣人探候修設曲敬又不欲  
煩損吏民常豫勅吏卒行各持鎌所在自刈馬  
草不止亭傳露宿樹下又所從常不過十餘人  
郡帶道路其論過賓客自非公法無所出給若  
知舊造之自出于家康之始拜衆人雖知其有  
志量以其未嘗宰牧不保其能也而康恩澤治  
能乃爾吏民稱歌焉嘉平末徙渤海太守徵入  
爲給事中散騎常侍遷中書令後轉爲監封廣  
陵亭侯著漢書音義九卷

魏略作安平人頗師  
古漢書叔制作安平

黃宗

十九代孟宗字恭武以吳主孫皓字元宗因易名  
仁故史又稱孟仁焉少從南陽李肅學讀書夙  
夜不懈肅奇之曰卿宰相器也初爲驃騎將軍  
朱據軍吏將母在營旣不得志又夜雨屋漏因  
起涕泣以謝其母母曰但當勉之何足泣也據  
亦稍知之補爲監池司馬遷吳令時皆不得將  
家之官每得時物來以寄母常不先食孫權嘉  
禾元年詔州縣長吏凡父母没不俟交代而奔  
喪者罪至大辟宗聞母亡委官奔赴已而自拘



于武昌以聽刑陸遜陳其素行因爲之請權乃  
減宗一等復使爲官後不得以爲比初宗母嗜  
筍冬節將至時筍尚未生宗入竹林哀歎而筍  
爲之出得以供母人皆謂至孝之所感累遷光  
祿勳御史大夫孫皓寶鼎三年以宗爲司空凡  
四年而卒

吳錄作江夏人又吳書曰宗爲豫  
章守民感其德生子皆以孟爲宗

二十代孟楫晉惠帝時爲廬陵太守

二十一代孟觀字叔時少好讀書解天文惠帝卽  
位稍遷殿中中郎賈后悖婦姑之禮陰欲誅楊  
駿而廢太后因駿專權數言之於帝又使人諷

觀會楚王瑋將討駿觀受賈后旨宣詔頗加誣  
其事及駿誅以觀爲黃門侍郎特給親信四十  
人遷積弩將軍封上谷郡公氏帥齊萬年反於  
關中衆數十萬諸將覆敗相繼中書令陳準監  
張華以趙梁諸王在關中雍容貴戚進不貪功  
退不懼罪士卒雖衆不爲之用周旋喪敗職此  
之由上下離心難以勝敵以觀沉毅有文武材  
用乃啓觀討之觀所領宿衛兵皆矯捷勇悍并  
統關中士卒身當矢石大戰十數皆破之生擒  
萬年威懼氏羗轉東羗較尉徵拜右將軍趙王



倫篡位以觀所在著績署為安南將軍監河北諸軍事假節屯宛觀子平為淮南王允前鋒將軍討倫戰死孫秀以觀被兵在外假節平為允兵所害贈積弩將軍以安觀義軍既起多勸觀齊王問觀以紫宮帝坐無他變謂倫應之遂不從眾議而為倫用及帝反正永饒治令空桐機斬觀首傳于洛陽遂夷三族

晉書作渤海東平人

二十二代孟嘉字萬年少失父奉母二弟居娶大司馬陶侃第十女閨門孝友人無能問鄉閭稱之中默有遠量弱冠儔類咸敬之同郡郭遜以

清操知名時在嘉右常歎嘉温雅平曠自以為不及遜從弟立亦有才志與嘉同時齊譽每推服焉由是名冠州里聲流京邑太尉潁川庾亮以帝舅民望受分陝之重鎮武昌并領江州辟部廬陵從事下郡還亮引見問風俗得失對曰嘉不知還傳當問從吏亮以塵尾掩口而笑諸從事既去喚弟翼語之曰孟嘉故是盛德人也嘉既辭出外自除吏便步歸家母在堂兄弟共相歡樂怡怡如也旬有餘日更版為勸學從事時亮崇修學較高選儒官以嘉望實故應尚德



之舉太傅河南褚裒簡穆有器識時爲豫章太守出朝宗亮正旦大會州府人士率多時彥嘉在坐次甚遠裒問亮江州有孟嘉其人何在亮云在坐卿但自覓裒歷觀遂指謂亮曰將無是耶亮欣然而笑喜裒之得嘉竒嘉爲裒之所得乃益器焉舉秀才又爲安西大將軍庾翼府功曹再爲江州別駕巴丘令征西大將軍譙國桓溫參軍嘉色和而正溫甚重之九月九日溫遊龍山參佐畢集四弟二甥咸在坐時佐吏並著戎服有風吹嘉帽墜落溫目左右及賓客勿言

嘉止嘉初不自覺良久如廁溫命取以之而廷尉太原孫盛爲諮議參軍時在坐溫命筆令嘲之文成示溫溫以著坐處嘉歸見之而請筆作答了不容思文辭超卓四座歎之奉使京師除尚書刪定郎不拜孝宗穆皇帝嘉其名賜見東堂嘉辭以脚疾不任拜起詔使入扶入嘉嘗爲刺史謝永別駕永會稽人喪亡嘉求起義路由永興高陽許詢有雋才辭榮不從每縱心獨往客居縣介嘗乘舡近行適逢嘉遇歎曰都邑美士吾盡識之獨不識此人惟聞



中州有孟嘉者將非是乎然亦何由來此使聞  
嘉之從者嘉謂其使曰本心相過今先赴義尋  
還就君及歸遂止信宿雅相知得有若舊交還  
至轉從事郎中俄遷長史在朝墮俠正順而已  
門無雜賓常會神情獨得便超然命駕逕之龍  
山顧景酣宴造夕乃歸温從容謂嘉曰人不可  
無勢我乃能駕御卿後以疾終于家年五十一  
始自總髮至于知行不苟合言無夸矜未嘗有  
喜愠之容好酣飲逾多不亂至于任懷得意融  
然忘寄傍若無人温嘗問嘉酒有何好而卿嗜

之嘉笑而答曰明公但不得酒中趣耳又問

技絲不如竹竹不如肉答曰漸近自然中散大

夫桂陽羅會賦之曰孟生善酣不愆其意光祿

大夫南陽劉耽與嘉同在温府陶淵明從父太

常夔嘗問耽嘉若在當已作公否答曰此本是

三司人爲時所重如此

陶淵明傳作武昌新陽人宗之曾孫晉書同

二十三代孟懷玉居京口晉末孫恩叛宋高祖劉

裕伐之以懷玉爲建武司馬及武帝將討桓玄

懷玉與族兄景復豫其謀從平京口城進定京

邑以功封鄱陽縣侯食邑千戶高祖鎮京口以



懷玉爲鎮軍參軍下邳太守義熙三年出爲寧  
朔將軍西陽太守新蔡內史除中書侍郎轉輔  
國將軍領丹陽府兵戍石頭盧循逼京邑懷玉  
於石頭岸連戰有功爲中軍咨議參軍賊帥徐  
道覆屢欲以精銳登岸畏懷玉不敢上及循南  
走懷玉與衆軍追躡直至嶺表徐道覆屯結始  
與懷玉攻圍之身當矢石旬月乃陷仍南追循  
循平又封陽豐縣男食邑二百五十戶復爲太  
尉咨議參軍征虜將軍八年遷江州刺史尋督  
豫州豫州之西陽新蔡汝南潁川司州之松滋

六郡諸軍事南中郎將刺史如故時荊州刺史  
司馬休之居上流有異志故授懷玉此任以防  
之十一年加持節丁父艱懷玉有孝性因抱篤  
疾上表陳辭不許又自陳弟仙客出繼喪主惟  
已乃見聽未去任其年卒官時年三十一追贈

平南將軍

按宋書作平昌安丘人

二十四代孟表字武達任南齊蕭鸞爲馬頭太守  
元魏太和十八年表據郡歸魏孝文帝除輔國  
將軍南兖州刺史領馬頭太守賜爵譙縣侯鎮  
渦陽後蕭鸞遣其豫州刺史裴叔業攻圍六十



餘日城中食盡惟以朽革及草木皮葉為糧表  
 拊循將士戮力固守會鎮南將軍王肅解義陽  
 之圍還以救之叔榮乃退初有一南人自云姓  
 邊字叔珍携妻息從壽春投表云慕化歸國未  
 及送闕便值叔榮圍城表後察叔珍言色頗疑  
 有異即加推覈乃云是叔榮姑兒為叔榮所遣  
 規為內應所携妻子並亦假妄表出叔珍于北  
 門外斬之於是人情乃安高祖嘉其誠績封汶  
 陽縣開國伯邑五百戶遷征虜將軍濟州刺史  
 為散騎常侍光祿大夫進號平西將軍世宗末

平東將軍齊州刺史延昌四年卒年八十一

贈安東將軍兗州刺史謚曰恭

正史作濟  
北齊人

二十五代孟斌事元魏孝文帝為右丞嘗與任城

王澄議討穆泰事

二十六代孟威字能重頗有氣尚尤曉北土風俗

歷東宮齊帥羽林監時四鎮高車叛設疑誘高

祖詔威曉諭禍福追還逃散分配為其後以明

解北人之語勅在著作以備推訪承平中自鎮

遠將軍前軍將軍左右直長加龍驤將軍出使

高昌還遷城門較尉直閣將軍沃野鎮將軍光



初蠕蠕主阿那瓌歸國詔遣前郢州刺史陸道兼侍中為使主以威兼散騎常侍為副還歲迎接阿那瓌之還國也復以威為平北將軍元祿大夫假員外常侍為使主護送之司馬類使遠蕃祖皆稱旨復加撫軍等重

臚卿尋加驃騎大將軍左光祿大夫

卒贈使持節侍中本將軍

軍事司空公冀州刺史

二十七代孟恂

二十八代孟儒

二十九代孟景事隋煬帝為鷹揚郎將宇文化及之變景與焉後為竇建德所戮

三十代孟善誼仕隋為河內通守恭帝義寧二年從將軍王世克伐李密師大敗善誼及虎賁郎將王辨等六人皆死之

三十一代孟詵高宗時擢進士第累遷鳳閣舍人他日至劉禕之家見賜金曰此藥金也燒之火有五色氣試之驗武后聞不悅出為台州司馬類遷春官侍郎相王召為侍讀拜同州刺史神龍初致仕居伊陽山治方藥睿宗召將用之以



老固辭賜物百段詔河南春秋給羊酒糜粥尹  
畢構以詵有古人風名其居爲子平里開元初  
卒年九十三詵居官頗刻歛然以治稱其閒居  
嘗語人曰養性者善言不可離口善藥不可離  
手當時傳其書所著有家祭禮一卷喪服正要  
二卷食療本草三卷一作六卷補養方三卷必  
效方十卷錦帶書八卷唐書作汝州梁人

三十二代孟大融唐玄宗時屢召不就隱于王屋

三十三代孟浩然少好節義善振人患難隱鹿門

山年四十九乃遊京師嘗於太學賦詩一座嗟服  
無敢抗張九齡王維雅稱道之維私邀入內署  
俄而玄宗至浩然匿床下維以實對帝喜曰朕  
聞其人而不見也何懼而匿詔浩然出帝問其  
詩浩然再拜自誦所爲至不才明王棄之句帝  
曰卿自不求仕朕未嘗棄卿奈何誣我因放還  
採訪使韓朝宗約浩然偕至京師欲薦諸朝會  
故人至劇飲歡甚或曰君與韓公有期浩然叱  
曰業已飲暄他卒不赴朝宗怒辭行浩然不  
悔也張九齡爲荊州辟置于府府罷開元末病



疽背卒後樊澤爲節度使時浩然墓庫壞符載以牋叩澤曰故處士孟浩然文質傑美殞落歲久門喬陵遲丘隴頽沒永壞若人行路慨然前公欲更築大墓闔州搢終聞風竦動而今外迫軍旅內勞賓客牽耗歲時或有未遑誠今好事者乘而有之負公夙志矣澤乃更爲刻碑鳳林山南封寵其墓初孟維過郢州畫浩然像于刺史亭因曰浩然亭咸通中刺史鄭誠謂賢者名不可斥更署曰孟亭皮日休爲之記浩然所著詩二百一十首宜誠處士王士源序曰浩然文

不爲仕管輅而作故或遲行不爲飾動以求真故似誕遊不爲利期以放性故常貧名不繼于選部聚不盈于擔石雖屢空不給而自若也士源嘗筆讚之曰道漾挺靈實生楚英浩然清發

亦其自名

唐書作襄州襄陽人

三十四代孟雲卿唐肅宗朝爲較書郎與杜甫交善甫詩有孟子論文更不疑之句自注爲雲卿三十五代孟華初事李寶臣爲府官屬論議姘姘不同同舍疾之王武俊斬李惟岳遣華至京師陳事德宗問河朔利害華對稱旨擢檢較兵部



郎中兼侍御史朱滔與武俊謀解田悅之圍帝  
詔華遠論欲亂其謀至讓武俊曰安史未覆滅  
時大夫觀其兵自謂天下可取今日何汨汨且  
上於大夫恩甚厚將還康中丞他州而歸我深  
趙自古忠臣未有不先大功而後得高官者大  
夫何望于失地耶夫藥苦口者利于病大夫後  
日思愚言悔無逮或曰華人朝私奏便宜欲傾  
我故得顯職武俊惑之然以華舊人未忍奪其  
職卒進援悅華從至臨清稱病還恒州武俊令  
子察所爲乃闔門謝賓客武俊知不足忌無

華意既僭稱王授禮部侍郎不肯起嘔血死

志以郊爲世系殊誤今依家譜及石刻正之郊事見賢書

三十六代孟常謙與柳子厚善子厚誌其墓曰孟

氏之孤曰遵慶奉其父命書九篇爲善狀一篇

來告曰君薨將葬敢請刻辭嗚呼公自假左贊

善大夫相王司馬太常少卿爲義成軍中軍兵

馬使其帥魏國公旣爲宰相命公左領軍衛將

軍事德宗順宗今上立朝九年加朝議大夫居

喪會用兵于趙起復居故官爲左神策行營先

鋒兵馬使知牙而趙兵罷不受祿去金革服喪



終期命安州刺史仍加侍御史安州防邊兵馬使貶柳州司馬公嘗佐魏公平襄陽靖梁州立義成軍魏公弘大恢奇公能以任軍政是以又爲衛將軍虔恭潔廉動得禮節伐趙之役堅立堡壁誓死麾下法制明具權力無能移進不避患退不敗禮安州迫寇攘多戎事政出一切吏以支持之故貶明年用兵于蔡朝廷諸公洎外諸侯咸以公爲請未及徵氣乘肺溢爲水浮膚而卒年六十惟公志專于忠貌嚴于外嘗立庭中毅然望之若圖形刻像聞國難輒不寢食謀

度憤吒以故病不可治錄曰魯仲孫氏其世爲孟賁勇光武判儒紹聖公傳師法以訓戎政執稽以庸咸致厥命濟濟于朝冕服以光墨非從利終役復喪忠孝孔明君子攸彰昔者雲中六級下吏公刺於安法亦可議黜伏南荒豪士獻歎聞難以激去食廢寐神乖氣離支隔莫遂廷臣進言侯伯拜章帝命將施俄仆于京代山桓桓植栢與松其名維何忠孝孟公

按舊志常謙誤作韋謙今

正之

三十七孟遵慶



三十八代孟瑄唐元和末屢薦不仕爲韓文公所  
愛文公嘗贈之序言其年甚少機甚度手持文  
一編甚鉅退披其編以讀之盡其書無有不能  
其所與偕盡善人長者云

三十九代孟方立始爲澤州天井戍將稍遷游奕  
使中和元年昭義節度使高潯擊黃巢戰石橋  
不勝保華州爲裨將成鄰所殺還據潞州衆怒  
方立率兵攻鄰斬之自稱留後擅裂邢洛磁爲  
鎮治邢爲府號昭義軍潞人請監軍使吳全勗  
知兵馬留後時王鐸領諸道行營都統以潞未

定假方立檢較左散騎常侍兼御史大夫知邢  
州事方立不受囚全勗以書請鐸願得儒臣守  
潞鐸使叅謀中書舍人鄭昌圖知昭義留事欲  
遂爲帥僖宗自用舊宰相王徽領節度時天子  
在西河關雲擾方立擅地而李克用窺潞州徽  
度朝廷未能制乃固讓昌圖昌圖治不三月輒  
去方立更表李殷銳爲刺史謂潞險而人悍數  
賊大帥爲亂欲銷懦之乃徙治龍岡州豪傑重  
遷有懟言會克用爲河東節度使昭義監軍邢  
審誨乞師求復昭義軍克用遣賀公雅李鈞安



金俊三部將擊潞州爲方立所破又使李克修  
攻取之殺殷銳遂并潞州表兄修爲節度留後  
初昭義有潞邢洛磁四州至是方立自以山東  
三州爲昭義而朝廷亦命克修以潞州舊軍昇  
之昭義有兩節自此始克修自崇達克用從父  
弟精馳射常從征伐自左營軍使擢留後進檢  
校司空方立倚未全忠爲助故克用擊邢洛磁  
無虛歲地爲鬪場人不能稼光啓二年克修擊  
邢州取故鎮進攻武安方立將呂球馬爽戰焦  
河焉克修所破斬首萬級執臻等拔武安臨洛

邯鄲沙河克用以安金俊後爲邢州刺史招撫之  
方立句兵於王鎔鎔以兵三萬赴之克修還後  
二年方立督部將溪忠信兵三萬攻遼州以金  
啖赫連鐸與連和會契丹攻鐸師失期忠信三  
分其兵鼓而行忠信前軍沒旣戰大敗執忠信  
餘衆走脫歸者纔十三龍紀元年克用使李罕  
之李存孝擊邢攻磁洛方立戰琉璃陂大敗擒  
其二將被斧鑕狗邢壘呼曰孟公速降有能斬  
其首者假三州節度使方立力屈又屬州殘墮  
人心恐性剛急持下少恩夜自行陣兵皆倨告



選志 卷三  
勞自顧不可復振乃還引酖自殺

唐書曰邢州人五代史曰

邢州平鄉人

四十代孟承誨仕後晉為太府卿天福八年嘗使契丹

四十一代孟漢卿事後周官至羽林大將軍一本作漢瓊

四十二代孟貫工詩嘗有不伐有巢樹多移無主花之句世宗見之怒曰朕伐罪弔民何謂有巢無主貫遂不用

四十三代孟昶

四十四代孟公齊少勵高行不樂仕進避亂東山遂終焉○按于文定公聖里志論曰自孔中丞守兗求得孟氏之後不聞顯者以今宗系所列盡引漢魏以來名人比其世次類後人附會為之存而闕其文亦傳疑之義云耳而考之諸史本傳亦多係籍他方似真可疑者顧世代綿遠陵谷變遷或板蕩倉皇而頓興遠志或并州成故而迷復宗國如近代孟之訓且流離於雲朔之間以此推往槩可知已且浩然詩有惟先是鄒魯之句常謙墓銘柳子厚首系之以魯仲孫



氏又曰軻儒紹聖則籍雖非鄒其爲孟子之後  
何疑焉是故舊譜所存卽世次傳承不無牴牾  
亦未可盡訾以附會也自此之後則表章歷歷  
無容置喙矣

四十五代孟寧宋仁宗景祐四年以孔道輔薦特  
授鄒縣主簿奉祀孟子其族謂之中興祖生子  
二長堅次存今之孟氏皆寧後也

四十六代孟堅德學俱優特授徐州知州

四十七代孟寬

四十八代孟欽

四十九代孟津

五十代孟德義登進士第授魚臺縣尹辭不仕

五十一代孟允祖

五十二代孟惟恭字彥通篤厚明敏結髮知學弱

冠能文平居寡言笑不求宦達遇事有謀善斷

暨主祀事能幹置於繼述之事尤惓惓焉大定

五年五月中書撥付祭田以頃計者三十官錢

以緡計者三千有奇收貯貫粒具邊豆壘洗備

春秋奠以其贏行貸計其子母所入次第興創

正殿塑亞聖像建兩廡作櫺星門重三門構講



堂西齋神厨庫房繚以周垣約百餘丈築斷機  
堂于中庸書院之西北甃暴書臺又刻加封亞  
聖制碑及宗枝圖林廟碑大小凡三十餘焉至  
正九年卒年七十有六邑令桂公孟誌其墓  
五十三代孟之訓字曾甫少有學識以孝信著聞  
元至正間仕爲單父儒學教諭秩滿陞莒州儒  
學正值兵興棄職歸家亂作避地蔚州而卒  
五十四代孟想諒字友道洪武元年 詔授鄒縣  
主簿有吏才剏正祀典修祠理墓多所幹濟  
五十五代孟克仁字信夫以子希文授翰林院五

經博士天順三年十二月二十九日贈如其室

五十六代孟希文字士煥景泰二年

欽授孟子後世襲翰林院五經博士主奉祀事成  
化元年

憲宗視學遣禮部主事張謹行取陪祀

上御文華殿面賜冠帶官錦襲衣宴於禮部弘治  
元年

孝宗視學遣禮部主事李雲行取陪祀賜冠帶官  
錦襲衣宴於禮部生子二長元次亨

五十七代孟元字長伯弘治二年襲翰林院五經



博士主奉祀事正德元年

武宗視學遣禮部主事張潛行取陪祀賜冠帶官  
錦襲衣宴於禮部嘉靖元年

世宗視學遣大理寺評事呂祚行取陪祀賜冠帶  
官錦襲衣宴於禮部生子公縻

五十八代孟公縻字先文亨之子嘉靖二年代襲  
翰林院五經博士主奉祀事及從弟公縻長謝  
職致仕

孟公縻字縻文嘉靖十二年襲翰林院五經博  
士主奉祀事本年

世宗復視學遣行人司行人陳塏行取陪祀賜冠  
帶官錦襲衣宴於禮部生子彥璞

五十九代孟彥璞字朝璽隆慶元年襲翰林院五  
經博士主奉祀事本年

穆宗視學遣禮部主事劉繼文行取陪祀賜冠帶  
官錦襲衣宴於禮部萬曆四年

神宗視學遣禮部主事張程行取陪祀賜冠帶官  
錦襲衣宴於禮部萬曆二十六年六月初一日  
卒生子承光

六十代孟承光字永觀萬曆二十九年三月初一



日襲翰林院五經博士主奉祀事天啟二年值妖賊之變不屈死之

詔贈太僕寺少卿母孔氏贈貞淑恭人次子世襲錦衣衛千戶

六十一代孟弘畧字天啟二年同父死節

詔贈太常寺寺丞生子聞玉

孟弘譽字振揚天啟三年代襲翰林院五經博士主奉祀事四年

庶宗視學遣中書舍人楊中極行取陪祀

上御文華殿面賜冠帶官錦襲衣宴於禮部崇禎

二年正月二十日

今上視學遣中書舍人梁招五行取陪祀賜冠帶

官錦襲衣宴於禮部本年二月改授世襲錦衣衛千戶

六十二代孟聞玉字崇禎二年月襲翰林

院五經博士主奉祀事



二遷志卷三下

同里後學

潘 榛編次

周希孔叅考

曲阜

孔尚鉞

孔胤圭

重訂

裔孫

孟弘譽

孟聞玉

較圖

海鹽

呂兆祥

呂逢時

重修

名裔

大宗以降支庶濟濟顯者樹烈隱者著志在古  
實蕃於今弗替是廣是傳以光家世述名裔第



十六代孟達字子敬避昭烈叔父敬諱改字子度  
儀度閑雅才辨過人漢末入蜀依劉璋先主入  
蜀璋遣達副法正各將兵二千人迎先主先主  
因令達并領兵衆留屯江陵蜀平後以達爲宜  
都太守建安二十四年命達攻房陵殺太守蒯  
祺達將進攻上庸先主陰恐達難獨任乃遣養  
子劉封自漢中乘沔水統達軍與達會上庸上  
庸太守申儀舉衆降自關羽圍雒城襄陽連呼  
封達令發兵自助封達不承羽命會羽復敗先

主恨之又與封忿爭不和封尋尋達鼓吹達旣  
懼罪又忿恚封遂發表辭先主率所領降魏魏  
文帝善達之姿才容觀以爲散騎常侍建武將  
軍封平陽亭侯領新城太守使與二將共襲封  
達與封書勸其歸魏封不從後達又不安魏會  
有降人李鴻來詣諸葛亮謂亮曰間過孟達許  
適見王冲從南來言往者達之去就明公切齒  
欲誅達妻子賴先主不聽耳達曰諸葛見顧有  
本末終不爾也盡不信冲言委仰明公無復已  
已亮亦欲誘達以爲外援遂與達書曰往年南



征歲未及還適與李鴻會于漢陽承知消息慨然永歎以存足下平素之志豈徒託名榮貴爲卒離乎嗚呼孟子斯實劉封侵陵足下以傷先主待士之義又鴻道王冲造作虛語云足下量度吾心不受冲說尋表明之言追平生之好依依東望故遣有書達得亮書數相交通辭欲叛魏與太守與之有隙密表于魏魏主叡未之信也司馬懿遣參軍梁幾察之又勸其人朝達驚懼遂歸漢懿率兵倍道攻之舉事纔八日而兵至城下凡旬有八日而城破斬達首傳之京師

蜀遣兵救之不能至也初陳壽作三國志書

爲反及朱子綱目尊昭烈爲正統特書孟達

歸且以死節著之美其反正焉子與歸扶風

云扶風人

二十二代孟陋字少孤晉長史嘉之弟清操絕倫

布衣蔬食以文籍自娛口不及世事未曾交流

時或弋釣興盡獨歸雖家人亦不知其所之也

喪母毀瘠殆于滅性不飲酒食肉十有餘年親

族迭謂之曰少孤誰無父母誰有父母聖人制

禮令賢者俯就不肖者企及若使毀性無嗣更



爲不孝也陋感此言然後從吉由是名著海內  
簡文帝輔政命爲參軍稱疾不起桓温躬往造  
或謂温曰孟陋高行學爲儒宗宜引在府以和  
夷味温嘆曰會稽王尚不能屈非敢擬議陋聞  
之曰桓公正當以我不往故耳億兆之人無嘗  
十居其九豈皆高士哉我疾病不堪供相王之  
命非敢爲高也由是名稱益重博學多通長于  
三禮註論語行于世以壽終又世說新語云孟  
萬年及第少孤居武昌陽新縣萬年遊宦有盛  
名當世少孤未嘗出京邑人士思欲見之乃遣

遠將軍淮陵太守與劉藩向彌征桓歆桓石康  
破斬之除建威將軍東海太守索虜斛蘭索度  
貢侵邊彭沛騷擾高祖遣龍符建威將軍道鄰  
北討一戰破之追斛蘭至光水溝邊被創奔走  
高祖伐廣固以龍符爲車騎將軍加龍驤將軍  
廣川太守統步騎爲前鋒軍達臨朐與賊爭水  
龍符單騎衝突應手破散卽據水源賊遂退走  
龍符乘勝奔逐後騎不及賊數千騎圍繞攻之  
龍符奮稍接戰每一合輒殺數人一作數衆寡  
不敵遂見害時年二十三高祖深嘉痛悼追贈



青州刺史又表曰故龍驤將軍廣川太守孟龍符忠勇果毅隕身王事宜蒙甄表以顯貞節聖恩嘉悼寵贈方州龍符投袂義初前騎效命摧鋒三捷每為衆先及西剽桓歆北殄索虜朝議爵賞未及施行會今北伐復統前旅臨胸之戰氣冠三軍于是逆徒實繁控弦掩澤龍符匹馬電躍所向披靡奮戈深入知死弗吝賊超奔遁依險島聚大軍因勢方軌長驅考其庸績豫叅濟否竊謂宜班爵土以褒勲烈乃追封臨沅縣男食邑五百戶無子

五代孟係祖龍符弟仙客之孫也父微生臨沅男元嘉中有罪奪爵徙廣州宋孝武大明初諸流徙者悉聽還本土特微生死係祖歸東都有筋幹異力能擔負數人入隸羽林為殿中將軍二年索虜寇青冀世祖遣軍援之係祖自占求行戰于杜梁挺身入陳所殺狼籍遂見殺詔書追贈潁川郡太守

二十六代孟季魏司空威之弟事元魏至鎮遠將軍左中郎將廷尉監以本將軍除廣州刺史預爾朱榮義舉封鉅鹿縣開國公食邑一千戶除



撫軍將軍廷尉卿轉司農卿出爲平西將軍華州刺史卒贈車騎大將軍雍州刺史

二十七代孟信字修仁家世貧寒頗傳學業信常曰窮則變變則通吾家世傳儒學而未有通官當由儒非世務也遂感激棄書從軍永業末除奉朝請從孝武帝入關封東州子趙平太守政尚寬和權豪無犯山中老人曾以狔酒饋之信和顏接引慇懃勞問乃自出酒以鐵鑄溫之素木盤盛蕪菁菹唯此而已又以一鎗借老人但執一盃各自斟酌申鬪醉之意謂老人曰吾至

都來無人以一物見遺今卿獨有此餉且食菜已久欲爲卿受一狔樽耳酒旣自有不能相費老人大悅再拜擘狔進之酒盡方別及去官居貧無食惟有一老牛其兄子賣之擬供薪米券契已訖市法應知牛至任在所信適從外來見賣牛人方知其賣也因告之曰此牛先來有病小用便發君不須也杖其兄子二十買牛人嗟異良久呼信曰孟公但見與牛未必須其力也苦請不得乃罷買牛者周文帝帳下人周文深嘆異焉未幾舉爲太子少師後遷爲太子太傅



儒者榮之特加車騎大將軍儀同三司散騎常侍辭老請退周文不奪其志賜車馬几杖衣服

床帳卒于家贈冀州刺史謚曰戴史云廣川索盧人

二十八代孟業字敬業家本寒微少為州吏性廉

謹同僚諸人侵盜官絹分三十匹與業拒而不

受行臺郎中郭秀相禮接方欲薦之會秀卒魏

彭城王韶齊神武之婿也拜定州刺史除業為

典籤長史劉仁之謂業曰我處其外君居其內

同心戮力庶有濟乎未幾仁之入為中書令臨

路啓韶云門下左右可信任者惟有孟業願

任之餘人不可信也又與業別執手曰今我出

都君便失援恐君在後不自保全唯正與直願

君自勉業惟有一馬瘦死韶以業貧令州府官

人同食馬肉欲令厚相廩償業固辭不敢韶乃

戲業曰卿邀名人也對曰業為典籤州中要職

諸人欲相賄贍止患無方便耳今喚食肉恐致

聚斂有損聲名所以仰違明教後未旬日韶左

右王四德董惟金並以馬死託肉為長史裴英

密啓神武有書與韶大誚讓業尋被譖出外行

縣事後神武書責韶云典籤姓孟者極能用心



何乃令出外也及韶代下業亦隨還贈送一無  
所受仁之後爲西兗州臨別爲吏部郎中崔暹  
曰貴州人士惟有孟業銓舉之次不可忘也暹  
問業曰君往在定州有何政績使劉西兗如此  
欽嘆業答曰稟性愚直惟知自修無他長也韶  
爲并州刺史業復爲典籤仍兼長史齊天保初  
清河王岳拜司州牧聞業名行召爲法曹業形  
貌短小及謁見岳心鄙其耻小笑而不言後尋  
業斷決處乃謂曰卿斷決之明可謂有過軀貌  
之用補河間王國郎中令清貧自守未嘗有失

文宣謂侍中裴英起曰卿識河間王郎中  
不一昨見其國司文案似是好人對曰昔與臣  
同事魏彭城王元韶其人清忠正直世所罕有  
帝曰如公言者比來便是大屈除中書舍人  
宣初惟得姓名及因奏事見其羸老又質性敦  
朴無升降之容加之平緩寡于方便有一道士  
由吾道榮以術藝被迎將入內業爲通名悉  
衆中抗聲奏云由吾道士不食五穀帝命捫而  
下之又令點檢百官敷奏失所帝遣人以馬鞭  
擊業頭至于流血然亦體其衰老非力所堪皇



建二年累遷東郡太守以寬惠著名其年夏五  
官張凝因出使得麥一莖五穗其餘或三穗四  
穗共一莖者合郡咸以政化所感因即申上至  
秋復有東燕縣人班映祖送嘉禾一莖九穗河  
清三年勅人間養驢催買甚切禁曰吾既爲人  
父母豈可坐看此急令宜權發庫錢貸人取贖  
後日有罪吾自當之後爲憲司所劾被攝之日  
郡人皆泣而隨之迭相弔慰送業度關者有數  
百人至黎陽郡西方得辭決攀援號哭悲動行  
路詰闕訴寃者非一人敕乃放還郡中父老如

河迎接武成親戎自洛還鄴道由東郡業具牛  
酒率人吏拜謁路旁自稱糞土臣孟業伏惟聖  
駕親行有征無戰謹上微禮便與人吏俱唱萬  
歲導引前入帝大嘉之後除廣平太守年旣老  
理政不如在東郡時武平九年爲大中大夫加  
衛將軍尋卒業志守質素不尚浮華所至以循

良著云

北史曰鉅鹿安國人

二十三代孟洸然唐處士浩然弟也好文學浩然  
嘗集其竹亭賦詩曰吾與二三子平生結交深  
俱懷鴻鵠志共有鶴鴒心逸氣假毫翰清風在



竹林達是酒中趣琴上偶然音後洗然應進士  
舉復贈詩曰獻策金門去承歡綵服違以吾一  
日長念爾聚星稀昏定須溫席寒多未授衣桂  
枝如已擢早逐鴈南飛及浩然卒洗然編其詩  
爲三卷傳于世

三十三代孟邕浩然從弟也嘗應舉不第歸會稽  
浩然贈之詩曰疾風吹征帆倏爾向空沒千里  
去俄頃三江坐超忽向來共歡娛日夕成楚越

落羽更分飛誰能不驚骨

按浩然爲孟喬最在據故凡集中著名者

皆采入焉又有示孟郊一詩皆規諄語蓋亦弟侄行然不可考矣

三十四代孟庭玠仕唐爲崑山尉

三十四代孟簡字幾道舉進士宏辭連中累遷倉  
部員外郎王叔文任戶部簡以不附離見疾不  
敢顯黜宰相韋執誼爲徙他曹元和中拜諫議  
大夫知匭事韓泰韓暹之復刺史吐突承璀爲  
招討使簡皆固爭詣延英言不可狀以悻切出  
爲常州刺史州有孟瀆久淤闕簡治導漑田凡  
四千頃以勞賜金紫召爲給事中代李遜爲浙  
東觀察使遜抑士族右編人至橫恣不推及簡  
一反之農估兼受其弊時謂兩失之以工部侍



郎召還初使府得代詔至署留後郎行李修觀  
察浙西始請留故使交政及簡還半道堂牒還  
之如例乃聽解進戶部加御史中丞戶部有二  
員判使按者居別一署謂之左戶元和後選委  
萃重宰相多由此進崔羣既相而簡代之故節  
意且柄任及出山南東道節度使內不樂政頗  
嚴峭時有詔置臨漢監以牧馬命簡兼使職簡  
以親吏陸翰主表邸關通閹侍翰持之數傲恨  
簡怒追還以士囊斃之家上變奏簡姦賊御史  
劾驗得遺吐突承堆貨七百萬左授太子賓客

分司東都再貶吉州司馬以赦令進睦州刺史  
復徙常州仍太子賓客分司卒簡尤工詩聞江  
淮間尚節義與之交者雖歿視卹其孤不少嘉  
晚路殊躁急佞佛過甚爲時所訕常與劉伯芻

歸登蕭俛譯次梵言者

唐書本傳曰德州平昌人說之曾孫

三十五代孟郊字東野庭玢之子少隱嵩山性介  
少諧合韓愈一見爲忘形交年五十得進士第  
調溧陽尉縣有投金瀨平陵城林簿蒙翳下有  
積水郊間往坐水旁裴回賦詩而曹務多廢令  
白府以假尉代之分其半俸鄭餘慶爲東都留



守署水陸轉運判官餘慶鎮與元奏爲參謀卒  
年六十四張籍謚曰貞曜先生郊爲詩有理致  
最爲愈所稱然思苦竒澀李觀亦論其詩曰高  
處在古無上平處下顧二謝云韓文公墓誌曰  
先生生六七年端序則見長而愈騫涵而心深  
之內外交好色夷氣清可畏而親及其爲詩劇  
目鉢心刃迎縷解鉤章棘句指擢胃腎神施鬼  
設問見層出唯其大翫於詞而與世侏搯人皆  
却却我獨有餘有以後時開先生者曰吾旣擠  
而與之矣其猶足存耶年幾五十始以尊夫人

之命來集京師從進士試旣得卽去間四年又  
命來選爲溧陽尉則侍溧上去尉二年而故相  
鄭公尹河南奏爲水陸運從事試協律郎親拜  
其母于門內母卒五年而鄭公以節領興元軍  
奏爲其軍參謀試大理評事挈其妻行之興元  
次于閬鄉暴疾卒將葬張籍曰先生揭德振華  
於古有光賢者故事有易名况士哉如曰貞曜  
先生則姓名字行有載不待講說而明皆曰然  
遂用之初先生所與俱學同姓簡於世次爲叔  
父由給事中觀察浙東曰生吾不能舉死吾知



恤其家銘曰於戲貞曜維執不猗維出不訾維

卒不施以昌其詩唐史曰湖州武康人

十七代孟元陽唐德宗時起陳許軍中以嚴整

稱曲環領節度使時已為大將使董作西華屯

盛夏厲而立于塗役休乃就舍故田輒歲稔而

軍食常足環卒吳少誠來寇元陽嬰城守圍甚

急然終不能傳城韓全義敗五樓列將多私去

獨元陽與神策將蘇元策宣州將王幹以所部

屯激水破賊二千詔拜陳州刺史憲宗立遷河

陽節度使五年盧從史敗檢較尚書右僕射徙

帥昭義軍入為右羽林統軍封趙國公改右金

吾大將軍復拜統軍卒贈揚州大都督

三十九代孟遷昭義節度方立之從弟也居兄麾

下素得士心方立死眾推為節度留後請援于

全忠全忠方攻時溥不即至命王虔裕以精甲

數百赴之假道羅弘信不許乃趨間入邢州大

順元年存孝復攻邢遷挈邢洛磁三州降晉執

王虔裕三百人獻之遷遷太原表安金俊為邢

洛磁團練使以遷為汾州刺史後遷復降梁為

梁所殺自孔中丞求得孟寧其後漸以蕃滋雖寡高爵然通籍立名者代不絕焉



四十六代孟存鄒縣主簿寧之次子也為孟庭族  
長以仁恕公平見稱

四十七代孟况存之子仕宋為魚城教諭

四十八代孟彬况之子主臨沂縣簿

四十八代孟潤寬之次子為鄒令進賢武將軍  
時譜系多缺潤重訂之並紀古今碑刻及孟氏  
雜事為書以傳蓋博古尊祖之士也

四十八代孟滋潤之弟以昭信較尉行沛縣尉事

四十九代孟澄彬之子滕縣尹

四十九代孟沂澄之弟濟寧路教授

四十九代孟在寬之孫為孟庭族長金之亾也山

東大擾宗人多離散在獨不去率其族守護塋

廟春秋祭祀無闕焉元太宗九年詔求孟子後  
得在于鄒之付村復其家以奉祀事

五十代孟得成澄之子居滕縣之劉庄元太宗時  
與在同復其家仕至嶧州知州

五十代孟得信沂之子與得成同居滕縣之劉庄  
仕至海州知州

五十代孟德昌字明甫在之子性忠直議論慷慨  
元世祖時以聖賢之裔寡知學者特命洛人楊



庸選三氏俊秀子弟訓之後從姚樞言定爲教  
授庸爲儒也世繡潛齋先生德昌從之盡傳其  
學始王林廟祀事後爲魚臺教諭

十代孟德政魚臺縣尹德義之母弟爲扶黎縣  
尹

十一代孟祗祖字性善德昌子性方嚴篤好學  
問事親孝與士信元世祖至元二十九年特授  
益都路儒學教授秩滿當遷朝議以爲亞聖之  
後不可限以常例請于上特令于八品民職內  
銓注遂得王任平簿後爲泗水北海二縣尹所

孟有聲

五十一代孟述祖德成子仕三州知州

五十二代孟惟誠祗祖子亦知名

五十三代孟之弘述祖子仕元爲國子監助教

五十四代孟思言之弘子仕元爲東昌路儒學正

遷鄒令終樞密院都事

五十五代孟思迪仕元爲翼城教諭

五十六代孟希達字士顯嘉靖間以歲薦授山西

澤州同知

五十七代孟公肇字先文博士孟元弟亨之子也



三子公繁少不克主祀朝議令公肇攝博士  
事凡十年公繁長而復之幼聰慧好學多從諸  
儒生遊一時監司貴達咸重焉僉事史公鶚至  
鄒遇之如布衣交先是公肇年十五時母死繼  
母孔氏公肇事之如其母又父喪而祖母王在  
視其父孝養有加也正德初流賊入境倉卒避  
難家人皆先去獨孔以疾不能行公肇欲負之  
與俱孔曰賊爲不義今猝至而汝欲負我勢必  
相及也吾老且病卽死不可以累汝公肇強負  
之宵奔嶧山而孔以全舊志著其孝焉

五十八代孟公枚希世之林也  
嘉靖中有勢家實非孟族而欲冒人者挾貲以  
求幾成矣公枚年甫冠教然不可勢家懼賂以  
百金公枚拒益力訟之官脅以威終不易辭卒  
寢其事邑令章時鸞修孟子墓祠俾董其役公  
枚捐已貲助之後公枚卒孟族每有疑事輒相  
謂曰使幹文在者濟矣幹文公枚別號也其爲  
人所慕如此

五十九代孟彥詩嘉靖間以歲薦授浙江處州府

照磨



五十九代孟彥繼公肇長子太學生

五十九代孟彥緒公肇次子嘉靖間以太學生授

河南陳州吏目

六十年代孟承禮字永和嘉靖間以歲薦授河南南

陽府舞陽縣主簿

六十年代孟承相嘉靖末以歲薦歷深唐河間三學

博士遷四川保寧府推官終陝西鞏昌府通判

詳具同邑潘觀察墓誌周孝廉傳中

六十年代孟承印字永孚邑所稱孟孝子者也與肇

昌判承相同出六代祖克威當國初時克威以

孝義聞于族里嘗修七世墓而樹碑焉承印性

敦朴不尚文飾頗涉典籍尤熟少微通鑑是時

亞聖墓在四基山者為水所衝齧庫甚承印一

日祭于墓愴然曰先祖功被萬世慶流子孫吾

儕所以優游盛時不與編戶同勞者秋毫皆祖

賜也而忍令墓若此乎余不能以資修誓以力

修即止不去眾邀之歸不可蓋嘉靖丙寅清明

日也墓去承印家且十里又在山麓深寂無俗

絕糧者數矣日負土轉石不懈或憐而助之則

因辭時章令時鸞植栢數千本于墓嘉其誠信



屬爲守護居三年柏皆鬱茂墓高大如丘焉族  
望成歎息之以爲能追遠而念本也承印旣廬  
祖墓歸復之馬鞍山廬其中興祖墓及父母墓  
又三年墓去家視四墓益遠承印修之視亞聖  
墓勤苦無異也後數歲會邑令許守恩至重風  
教欲達當道旌之有忌之者沮其事不果乃自  
製扁表焉自是凡令鄒者有所表揚必以承子  
爲首年七十餘卒

六十二代孟承廉家世貧萬曆二十一年歲大稔承

廉承廉有言夜饋粟承廉大驚問故得之曰吾

子業已受直有成約吾雖貧豈於約有有覬覦  
哉力辭不受人義之

六十二代孟聞時天啟四年幸學恩貢

六十二代孟聞証崇禎二年幸學恩貢

六十二代孟聞熙崇禎二年幸學恩貢



懼承廉有言夜饋粟承廉大驚問故得之曰吾  
子業已受直有成約吾雖貧豈于約外有覬覦  
哉力辭不受人義之



列女

吳

十九代孟宗母不知何氏女也有賢行宗少時母  
遣從南陽李肅學爲宗作厚襦大被將之或問  
何也母曰兒幼無德以致客學者或貧無衣被  
爲大被將之庶得與賢者接氣類乎宗後仕爲  
監池司馬自潔清躬結網捕魚作鮓以遺母母  
不受曰汝爲漁官而以鮓遺我豈處嫌之道哉  
宗泣受命而宗卒著名母之教也

宋



十三代孟昶妻周氏女昶弟覲妻其從妹也二  
家並豐財產初桓玄常推重昶而劉邁毀之昶  
知深自惋失及劉裕將建義與昶定謀昶欲盡  
散財物以供軍糧知妻非常婦人可語以大事  
乃謂之曰劉邁毀我於桓公便是一生淪陷決  
當作賊卿幸可早爾離絕脫得富貴相迎不晚  
也周氏曰君父母在堂欲建非常之謀豈婦人  
所諫事之不成當于於奚官中奉養大家義無  
歸志也昶愴然久之而起周氏追昶坐云觀君  
舉厝非謀及婦人者不遇欲得財物耳時其所

生女在抱推而示之曰此而可賣亦當不惜况  
資財乎遂傾資產以給之而託以他用及事之  
將舉周氏謂覲妻云一昨夢殊不好門內宜浣  
濯浚浴以除之且不宜赤色我當悉取作七日  
藏厭覲妻信之所有絳色者悉斂以付焉乃置  
帳中潛自剔綿以絳與昶遂得數十人被服赫  
然悉孟氏所出而家人不之知也

國朝

五十九代孟彥璞妻孔氏有賢德彥璞早喪鞠育  
其子有宣獻之遺風焉天啓二年值妖賊之變



同子承光孫弘畧俱被害

詔贈恭人

六十代孟承備妻陳氏承備死有子僅一歲時婦年二十二家又苦貧矢志不移以死自誓年七十餘而卒

六十一代孟弘行妻宋氏年二十六而弘行凶子尚在襁褓朝夕紡績以自給縣令嘉之請于富道爲表其門以壽終

六十一代孟弘祺女適同邑李思愷年甫二十七思愷死有子守魁止月餘婦欲從死戚黨交勸

之口以死殉夫孰若爲夫存後嗣乎婦乃止鞠養守魁卒以成立終無貳志里閭賢之



二五八

卷三十一

五



Faint, illegible vertical text or markings, possibly bleed-through from the reverse side of the page.





